

সাসটেইনেবল ফাইন্যান্স ডিপার্টমেন্ট

বাংলাদেশ ব্যাংক

প্রধান কার্যালয়

ঢাকা।

তারিখঃ জুলাই ৩১, ২০১৯
শ্রাবন ১৬, ১৪২৬

এসএফডি সার্কুলার লেটার নং-০২/২০১৯

ব্যবস্থাপনা পরিচালক/ প্রধান নির্বাহী
বাংলাদেশে কার্যরত সকল তফসিলী ব্যাংক

প্রিয় মহোদয়,

**কর্পোরেট সামাজিক দায়বদ্ধতা কার্যক্রমের আওতায় সারাদেশে
ডেঙ্গু জ্বরে আক্রান্তদের প্রয়োজনীয় সহযোগিতা প্রদান প্রসঙ্গে।**

সাসটেইনেবল ফাইন্যান্স ডিপার্টমেন্ট হতে ডিসেম্বর ২২, ২০১৪ তারিখে জারীকৃত জিবিসিএসআরডি সার্কুলার নং-০৭/২০১৪ এর প্রতি আপনাদের মনোযোগ আকর্ষণ করা যাচ্ছে। দেশের দুর্যোগকালীন যে কোন পরিস্থিতিতে কর্পোরেট সামাজিক দায়বদ্ধতা (সিএসআর) কার্যক্রমের আওতায় আপনাদের অংশগ্রহণমূলক ভূমিকা প্রশংসার দাবী রাখে।

এ প্রসঙ্গে আপনারা অবহিত আছেন যে, দেশের ঢাকা শহরসহ অন্যান্য এলাকায় ডেঙ্গু জ্বরের প্রাদুর্ভাব প্রকট আকার ধারণ করেছে। ফলে ডেঙ্গু জ্বরে আক্রান্ত দরিদ্র ও অসহায় রোগীদের এ সংকটকালীন সময়ে আপনাদের ব্যাংক শাখার নিকটস্থ হাসপাতাল/স্বাস্থ্য কমপ্লেক্সে ব্যাংক শাখার উপযুক্ত প্রতিনিধি প্রেরণের মাধ্যমে উক্ত হাসপাতাল/স্বাস্থ্য কমপ্লেক্স কর্তৃপক্ষের সাথে আলোচনা করে প্রকৃত দরিদ্র ও অসহায় রোগী চিহ্নিত করার আবশ্যিকতা দেখা দিয়েছে। এ প্রেক্ষিতে হাসপাতাল/স্বাস্থ্য কমপ্লেক্স কর্তৃপক্ষের সাথে আলোচনা ও পরামর্শক্রমে তাদের চাহিদার নিরিখে স্বাস্থ্য অধিদপ্তর কর্তৃক নির্ধারিত ডেঙ্গু জ্বরের রক্ত পরিক্ষা-নিরীক্ষা সংক্রান্ত সকল ফি প্রদানসহ ব্লাড কালেকশন, প্রয়োজনীয় ঔষধ পত্র, স্যালাইন, মশারী এবং অন্যান্য চিকিৎসা সেবা-সামগ্রী প্রদান করার লক্ষ্যে ব্যাংকগুলো গুরুত্বপূর্ণ ভূমিকা পালন করতে পারে। এ লক্ষ্যে আপনাদের ব্যাংকের সিএসআর কার্যক্রমের আওতায় বর্তমান দুর্যোগকালীন সময় মোকাবেলা করার জন্য ডেঙ্গু জ্বরে আক্রান্ত দরিদ্র ও অসহায় রোগীদের পাশে মানবিক দৃষ্টিকোণ থেকে সহযোগিতার হাত বাড়াতে আপনাদেরকে বিশেষভাবে অনুরোধ করা যাচ্ছে।

উল্লেখ্য, এ বিষয়ক ব্যয় জুন ১০, ২০১৫ তারিখের সার্কুলার লেটার নং-০৬ এর মাধ্যমে জারীকৃত ফরম্যাট এর 'Social Projects/ Community Investment' খাতের প্রয়োজ্য উপখাতে প্রদর্শন করার জন্যও আপনাদেরকে নির্দেশনা দেয়া হলো।

এ নির্দেশ অবিলম্বে কার্যকর হবে।

অনুগ্রহপূর্বক প্রাপ্তি স্বীকার করবেন।

আপনাদের বিশ্বস্ত



(খন্দকার মোরশেদ মিল্লাত)

মহাব্যবস্থাপক

ফোনঃ ৯৫৩০৩২০

E-mail: morshed.millat@bb.org.bd